

小方壺齋

小方壺齋

湖南地略

武進馬冠羣著

龍喜城在長沙東五代漢乾祐三年築宋建隆四年改長豐關寶六年省 南津城在長沙城南北津城在長沙城西北五代漢末馬希廣使水軍屯城北津屬于南津又屯楊柳橋以絕湘西之路卽此 湘濱縣在長沙東北梁置隋開皇省 關山在長沙東一名龍回關唐乾甯初劉建鋒馬殷自洪州至醴陵遂入龍回關襲潭州 瀏陽水在長沙北源出瀏陽大圍山西入湘江一曰瀏江有瀏口戍唐天祐四年黃璠率戰艦屯瀏陽口卽此大圍山一名首禪山瀏江口有駱駝嘴一名駝口馬希廣屯駝口扼湘陰路是也 橘州在長沙西湘江中梁太清末鮑泉攻河東土譽于湘州戰于石棹寺譽走橘州卽此湘江中有橘洲直洲誓洲白小洲四洲石棹寺一名石廓口在湘水西東與麻溪水口對 喬口鎮在長沙西北喬江口周廣順二年王逵克益陽進克喬江是也 南岳市在長沙西南嶽麓山南開慶初王輔祐視蒙古師遇于南岳市卽此

玉山城在湘陰北梁置隋省 赤竹城在湘陰南十七里宋紹興中爲縣治 秦羅縣在湘陰東北梁置

羅州陳改羅郡唐武德六年省一名羅川隋末蕭銑爲羅川令是也 青草湖在湘陰北磊石山旁北連

洞庭一曰重湖梁太清三年蕭譽援臺城軍于青草湖不進卽此 車輪洲在湘陰北梁承聖二年王僧

辨自巴陵進軍車輪擊敗陸納

建甯在湘潭北孫吳時置唐貞觀省 湘南城在湘潭西衡山西北漢縣孫吳太平中置衡陽郡治齊省

空靈灘在湘潭西南一作空靈峽湘水經此奔迅同三峽通鑑作空靈城承聖初李洪雅討陸納敗保

空靈灘卽此

淥江在醴陵西南本名漉水出縣東漉山西入湘名漉口梁承聖初陸納襲破丁道貴于淥口卽此有淥

小方壺齋輿地叢書

卷一

湖南地略一

南齊河王氏錄版

口鎮

大霧山在甯鄉南宋建炎間劉廷佐駐兵大霧山卽此

白水溪一名掩溪出益陽西北七尖山出峽口下流爲古溪東北入資江漢乾祐三年馬希萼攻益陽陳璠拒之敗于野溪卽此 平津亭在益陽西北周顯德中張文表自衡州取潭州軍于平津卽此

陰山縣在攸縣西北孫吳時改置唐貞觀省 安樂縣在攸縣南唐武德四年與新興縣同置貞觀初省

梅山在安化西南接新化界新化爲上梅山安化爲下梅山有梅山洞蠻唐乾甯四年蔣勣結梅山蠻寇湘潭宋太平興國中置五寨防梅山蠻西海子口寨東南七星寨東北首溪寨元祐三年置博易場西北白沙渡寨西南浮游寨 古茶王城在茶陵東漢元朔中茶陵節侯築

司馬錯城在常德城西隋置郎州治後省 案縣在常德東後漢陽嘉改漢壽孫吳省 沅水在常德南

自辰州經桃源至府境又東入洞庭一名龍陽江鼎貞元十一年朗州江溢卽沅水梁開平二年雷彥恭據朗引沅江環城自守 朗水自辰州東常德南又東北入沅名朗口梁開平初淮南冷業救澧州自平江進至朗口 枉水出善德山自龍井西流至常德府南入沅一名蒼溪又名枉渚卽沅水分支

社木寨在常德東宋時戍守處紹興四年楊太寇鼎州破社木寨卽此

沅南城在桃源西南本名臨鄉漢建武置隋省 壺頭山在桃源西沅水北接沅凌界漢建武廿五年馬

援討武陵蠻軍次下雋從壺頭山入卽此

洞庭湖在龍陽東接沅江界盜賊出沒處明初置洪沾沅江明山三哨 赤沙湖在龍陽東南接沅江界

漢乾祐初馬希萼攻潭州軍敗自赤沙湖遁還卽此 黃城砦在龍陽東南宋紹興五年縣治此

黃港 沅水 漢風 瀟平 黃公海 溪城 陵周 縣境 有 嶺山 縣 陶堤 武坪 純陽 瀟州 美勝 十四 堡

下雋在沅江東漢縣陳省 梁重華縣在沅江東南隋省 橫龍橋在沅江西卽橫橋隋開皇九年行軍總管劉仁恩破鄔居業于橫橋是也

漢承陽城在衡州西百七十里後漢曰烝陽晉太元省一名烝城梁王琳自廣州援江陵由小桂至烝城是也 漢鍾武縣在衡州西八十里後漢永建改重安唐武德省又西六十里梁黃楊故縣 陳新城縣在衡州東唐武德七年省

湘西城在衡山北孫武時置宋爲衡陽郡治隋省 鰲溪在衡山西東入湘一名西溪唐中和初鰲溪入周岳據衡州卽此

桂陽郡城在耒陽東漢建武中置 金州城在耒陽北南北朝時僑置

新平城在常甯南孫吳時置劉宋省

楊梅峰寨在安仁西北五代時馬殷將歐陽顥置

宮市縣在桂陽州北東晉置尋省一云五代時馬氏置 大湊山在桂陽西宋天禧三年置大湊山大板源龍岡毛壽九鼎小白竹水頭石笋大富九坑後悉省九鼎山在州西北毛壽山在州南 華陰山在藍山東南跨臨武界宋慶歷二年桂陽蠻寇華陰峒卽此

應陽城在永州西北應水東南晉置隋省東五里有鼻墟 湘江在永州北中有古牆巴州冷水七里等

灘一名西江東北至湘口合瀟水明初楊璟圍永州造浮橋于西江是也有湘口關及水驛

永昌縣在祁陽西孫吳置隋省 烏符山在祁陽北元成宗時平魯一仔置烏符清化白蒼三屯清化在

衡州白蒼在武岡

蔣居山一名大尖嶺在道州南地名四眼橋舊爲苗洞明正德中設滴水靖邊周堂中營四營于山上以

守要害山內有盤容洞周廣順三年道州盤容洞蠻自稱盤容州都統卽此

漢冷道縣在甯遠東南隋省蕭銑改置梁興縣唐初更唐興後徙治營道 大厯城在甯遠北故春陵城

北唐大厯三年置宋乾德省 春陵城在甯遠北漢侯國後徙治南陽孫吳時置春陵縣隋省 演口在

甯遠東南江濱明嘉靖中置演武營又有望墩振膽大富銅鈴勇敢三斗平定七營同時置

錦田寨在江華東宋初置與楊梅勝岡爲道州三砦熙甯六年省

白象鎮在永明南本白象堡卽白霞宋開寶三年潘美自道州進次于白象卽此

新城縣在寶慶東孫吳時置晉省 建興縣在寶慶西晉太康初置隋省 建州城在寶慶北隋治此唐

徙 葉黃灘寶慶府北資江上水勢險惡俗稱五十二灘四十八灘此爲第一一名二百里灘梁承聖末

劉綦援江陵至三百里灘爲下所殺又西有白羊灘孔雀灘皆資江險處 十五寨在寶慶境宋太平興國中平大猷洞置

武岡眞田白沙水竹界岡三堂羅尾盆溪塘兒占限查水新縣安定三門砂口十五寨又在新化置惜溪

柘溪滕溪溪深溪雲溪五寨

高平縣在新化南孫吳時置隋省今名石腳里 武陽城在新化東北宋熙甯五年與開峽城同置

夫夷城在武岡東北漢縣隋省 武岡山在武岡北接武陵界左右二山對峙一名同保巖唐元和中黔

巫蠻寇武岡潭帥柳公綽招降之勒銘岡上卽此 風門山在武岡西卽風陽山漢乾祐二年楚徐進敗

蠻于風陽山卽此

樂城在岳州東春秋定五年吳師居樂楚人焚之卽此 竹城在岳州東仙明州東岸宋建炎中府治此

巴邱山在岳州西南吳置巴邱閣建安十五年使魯肅以萬人屯巴邱蜀建興三年增巴邱守萬人

卽此 碧山在岳州西南洞庭湖中一名湘山洞庭山史記黃帝南至于江登熊湘卽湘山始皇廿八

年南游浮江至湘山唐天復二年淮南李神福敗荆南于君山 隱磯在岳州東北南與彭城磯對峙江
出磯之間中流東江浦有巨石當磯口世稱白馬口一名白馬磯宋元嘉三年到彥之敗于彭城退保隱
磯梁大寶二年侯景自隱磯濟江攻巴陵 城陵山在岳州西北蜀江西來洞庭東注至此合流山下有
城陵磯磯東有白石霍家二湖滙合明宏治中築永濟堤于城陵磯南 荆江口在岳州西北城陵磯下
一名西江口三江口岷江爲西江澧江爲中江湘江爲南江至此迴合晉隆安三年桓玄自夏口西上殷
遜拒于西江口梁乾化末荆南與楚會于荆江口宋乾德初武懷節趣岳州大敗賊兵于三江口 澧湖
在岳州東南一名潯湖春秋楚雍澧湖在洞庭角又名角子湖唐天成三年楚許德勳潛軍角子湖分屯
楊林浦絕吳歸路卽此 楊林浦卽楊葉洲在荆江口北岸 白田鎮在岳州北唐天成二年高季興敗楚兵于白田 道
人磯在臨湘西南江濱中有二洲南名黃金灘北名黃金浦唐天成二年吳兵會荆南攻岳州進至道人
磯卽此

赤亭城在華容南赤庭湖濱梁大寶二年胡僧祐援巴陵至湘浦更由他路潛引兵至赤亭湖卽此 湖浦在華

容東一名三湘浦

羅城在平江南古羅子國

臨澧城在澧州西晉太康四年置隋省 宋玉城在澧州南六十里長樂鄉 中鳴城在澧州南 新城

在澧州東卅里唐元和中築元置新城鎮

白抵城在慈利西北宋建炎中土寇廖辛據此一名廖城 白公城在慈利東五里 又東茶林山頂有蠻王城 崇山

在慈利西國語夏之興融降崇山卽此隋因山置崇州元置崇山衛于山下明改所尋省 九度山在慈
利西三十里下有九度水九度蠻居其地明初九度蠻亂卽此 溫陽關在慈利西明洪武六年伐蜀周

德興取龍伏隘進奪軍屋溫陽關卽此

龍伏隘有關在永定西北

崇義縣在安福西故充城西南隋開皇置唐麟德初省

漢中城在安福西漢建初三年武陵漢中蠻反

卽此孫吳置濃中縣隋省 桃花洞在安福西宋熙甯中郭達破蠻于桃花洞是也

羅城峒在安福西

本蠻峒宋嘉祐二年羅城峒蠻寇澧州卽此

大鄉縣在永順西南梁置唐天授改置溪州五代時爲下溪州城宋熙甯九年溪酋以誓下州歸附築下

溪州城是也明省入永順 明溪城在永順東南宋康定中雷簡夫討辰州築明溪烏下二寨卽此 宋

施溶州在永順東南元爲會溪施溶地明洪武二年置州本朝省 宋南渭州在永順西元省明洪武復

置本朝省 黔安戍在永順西茶灘南岸黔江旁宋熙甯九年置

三亭縣在保靖西唐貞觀九年分大鄉地置五代時入蠻 洛浦縣在保靖南唐天授置五代時入蠻爲

洛浦蠻 五寨司在保靖南本唐時宋沱洞烏引洞蘆荻洞杜望洞白巖洞五寨地明洪武初歸附置司

本朝省 算子坪司在保靖南明永樂三年置本朝省

茅岡在桑植西一名茅岡隘明洪武六年伐蜀周德興攻克茅岡覃屋寨卽此 十八峒在桑植西及西

北桑植美坪朝南那步入土黃河焦龍夾爭若南捍坪蠻遠全藏柘山欄巖黃家板山龍潭書洛也

漢酉陽城在辰州西北西水南隋省 黔陽城在辰州西北西水北岸孫吳置 辰水在辰州東一里源

出三嵎山西南經辰溪入沅江漢地志水經言辰出辰陽三山谷東南流與今水道不合一名辰溪與明

溪西溪雄溪漁溪爲五溪

西溪一名西水北江宋泰徽初西溪蠻王田都等畔是也

辰龍關在辰州東○國初吳三桂使羅羅守之

總督蔡毓榮潛從黃竹村入守關卒驚潰遂進克辰州 會溪鎮砦在辰州西北晉天福四年黔南溪州

刺史彭士慈以溪獎錦三州降楚徙溪州治此西南隔江鑄銅柱立之

昭諭縣在瀘溪西南唐垂拱二年置後入蠻宋興國復置後省爲砦

建昌縣在辰溪西梁置隋大業省 夜郎縣在辰溪西南梁置爲夜郎郡治隋省郡改靜入縣尋省 龍

門砦在辰溪西龍門澗旁熙甯七年省尋復置元省

白霧隘在激浦北六十里一曰白霧團宋天禧初李守元攻破蠻兵于白霧團卽此

潭陽縣在沅州西唐先天二年置宋初入蠻 唐夜郎縣在沅州西百里貞觀五年置長安四年置舞州

治開元初改鶴州二十年改業州又改峨山縣天寶初改州曰夜郎郡大厯改獎州五代後入蠻爲獎州

砦又西百五十里有峨溪城宋初蠻酋築

龍標縣在沅州西南梁置五代時入蠻 渭溪縣在沅州西南百八十里唐天

授二年分夜郎地置五代後入蠻 舞陽城在沅州東南本漢無陽縣蕭齊改通典巫州在巫山陽卽無

山也海溪一名巫溪巫水通 便溪砦在沅州西一作便水獎州地宋崇甯三年置砦 若溪砦在沅州

西二十里若溪西宋至和中溪州蠻據若溪作亂卽此崇甯置砦 鎮江砦在沅州西南雙髻山下宋初

蠻置富州名富州新城熙甯中改置鎮江砦 安江砦在沅州東南接黔陽界宋初蠻置峽州新城認爲

治州熙甯中章惇取懿洽卽此尋改砦有安江 銅安蠻砦在沅州東北宋熙甯省宣和復置有銅安驛

鋪

洪江砦在黔陽東南沅水側宋元祐五年與托口砦同置

盧陽縣在麻陽西三十里唐垂拱二年開蠻洞置爲錦州治天寶初曰盧陽郡乾元後入蠻爲錦州砦熙

甯八年省爲鋪 渭陽縣在麻陽西唐垂拱置後入蠻 萬安縣在麻陽西南唐垂拱置天寶初改常豐

縣後入于蠻 蠟爾山在麻陽西北俗譌作蜡山東北爲瀘溪云鎮溪保靖之篁子坪地山西爲銅仁之

銅仁平頭地連接鎮寧洞平諸山爲苗蠻巢穴明嘉靖初蠟爾山酋龍求兒叛稱苗王卽此

黃岑山在郴州南接宜章界一名上嶺山客嶺山騎田嶺五嶺中東第二嶺南麓曰摺嶺郴江桂水寒溪水俱出山北史漢置桂陽郡于上嶺山後漢書郴有客嶺山卽此宋慶厯七年桂陽蠻遁入黃岑山由趙洞轉寇英韶是也 嶸石鎮在郴州東南周廣順二年湖南攻郴州戰于嶸石卽此

安陵城在永興西南唐開元十三年置天寶改高亭尋省

莽山在宜章西南接廣東韶連界宋乾道初劉琪破宜章盜于莽山卽此 桃油坪在宜章西宋慶厯中

討桂陽蠻克桃油坪熊家原諸寨是也

八面山在興甯東有上洞中洞雷家洞皆深險明隆慶二年平八面山搖置堡戍守是也

馬山在桂陽東南明正德十二年烏春山賊龔福全遁保烏山禾倉石寨卽此

烏春在桂東縣南

故渠陽城在靖州東渠江東岸與今州城對 飛山在靖州西北土名勝山舊時飛山蠻保其下梁開平

五年飛山洞穴寇畧武岡是也環山有濠塹俗呼馬王城宋大觀初置飛山堡 石家堡在靖州南宋元

豐四年與滄村多星大田天村五堡同置 西樓驛在靖州南六十里宋清熙中中峒搖亂州兵守州西

南之密崖及西樓驛以斷寇路卽此

豐山堡在會同西南宋時蠻置元豐三年改豐山砦八年省崇甯復置

臨岡城在綏甯西南宋元豐四年省置臨口寨崇甯五年改臨岡縣紹興初復爲寨

河南地略

武進馬冠羣著

浚儀縣在開封城西北故夷門外新里東浚水北漢武元年青新里置浚儀縣魏爲陳留郡治一名大梁城永安二年陳慶之送元顥北入洛元天穆等攻拔大梁卽此隋徙浚儀在今開封北卅里開封縣在開封南五十里本魏邑史記韓釐王二十一年暴鳶救魏敗走開封漢初曹參西至開封擊秦趙賁軍破之是也漢置縣東魏兼置開封郡齊省郡唐貞觀省縣後復置明省入祥符新里城在開封西南隋開

皇置縣唐武德省青城一在南薰門外名南青城一在封邱門外名北青城宋靖康末粘沒喝自河陽

趨汴屯于青城攻朝陽門紹定六年元速不臺攻汴至青城金崔立以汴降盡送后始諸王于青城駝

牟岡在開封西北郭外宋靖康初金據駝牟岡天賜監卽此赤岡在開封東北水經渠水東南經赤城

卽此今名霍赤岡唐光啓三年秦宗權分屯赤岡及板橋列卅六寨石晉末契丹主至汴駐赤岡晉百官

伏路側請罪葛家岡在開封西南宋嘉祐二年自祥符西葛家岡門新河直城南好草陂北入惠民河

今河湮沒黃河舊在開封城北四十餘里自汜水達虞城明洪武中決原武黑陽山故道遂淤河去城

北僅五里正統十三年決滎陽過開封西南自陳州項城入亳州渦口經蒙城懷遠入淮而汴城遂在河

北嘉靖後河患移徐汴汴南之害稍紓崇禎十五年賊決城西北朱家砦灌城額臺並受其害汴水古

澠水春秋邲水一名阪水避反字改下漢志作浪蕩渠水平中爲滎陽漕渠後漚磨劉裕平秦自洛入河

開汴渠而歸後復塞隋大業初更改名通濟渠在府城西南唐末汴水潰決埽橋東西悉淤周顯德五年

浚汴口達淮宋時東南漕運悉由汴達汴流舊自滎陽東南流經府城東入歸德界今則合須鄆京索之

水自中牟北徑入河不復東注汴水自故滎陽東南分二渠一經陽武中牟臺下爲官渡一至浚儀爲鴻溝王賁斷故渠引河東南灌大梁謂之河溝卽鴻溝一名陰溝蔡

水在開封東南本黃營渠東至浚儀分爲二水南流曰沙東流曰汴孔氏讀沙爲蔡東流至歸德鹿邑合

一河南地略一河南地略一南清河王氏鑄版

潁河名蔡河口周顯德六年自大梁城東導汴入蔡以通陳潁之漕宋建隆二年浚蔡渠導閔水自新鄭與蔡水合南歷陳潁達壽春以通淮漕以西南爲閔河東南爲蔡河祥符二年自許州長葛浚減水河及棗村舊河以入蔡河元祐四年浚八丈溝分蔡河由潁壽入河大觀初又開溟河入蔡明洪武八年大河南決挾潁入淮而蔡河之流漸絕支流爲琵琶溝自戴樓門入城由宣化水門出東南經鹿邑界蔡河口朱仙鎮東南有水道經西華南頓沈邱以達潁壽即蔡河故道

五丈河在開封城北故禹貢荷澤周顯德四年疏汴水北入五丈河東經定陶北入濟齊魯舟楫悉達大梁六年浚五丈渠過曹濟梁山泊以通青鄆之漕宋建隆二年浚五丈河于城西夾汴河造斗門自滎陽鑿渠引京索二水通城濠東滙五丈河以通東北漕開寶六年改爲廣濟河熙寧七年自通津門汴河東岸開河下通廣濟明正統後大河決塞不一潁蔡五丈諸流盡失故道 金水河在開封城西上源卽京水宋建隆二年鑿渠引金水過中牟絕汴入浚溝通城濠東滙五丈河乾德三年引金水達皇城後苑內元豐五年金水河阻碍上下汴舟按視自板橋爲一河引水北入汴尋改由剗堤河入蔡賜名天源後又導洛通汴自城西引洛水由永豐門立堤入禁中而金水河槽廢蔡水五丈河金水河汴河爲漕運四河 浚水舊在開封城北後爲汴水所奪汴水經大梁北亦名浚水漢永明中王景作浚儀渠卽汴渠一名渠水 金明池在開封城西宋初置神水衛軍以習舟師興國元年鑿池引金水河習水戰祥符六年選江淮習水卒于金明池試戰棹立虎翼軍營于池側 蓬陂在開封城東南古逢澤有蓬陂塢一名蓬關晉大興初蓬陂塢主陳川以浚儀叛降石勒祖逖攻川于蓬關勒救之使桃約守川故城據西臺逖攻拔其城分居東臺約宵遁逃自鎮雍邱使韓濟屯封邱馮鐵屯二臺 陳橋驛在開封東北長垣縣南一曰陳橋鎮明洪武初徐達攻汴梁至陳橋鎮元左君弼等迎降 八角鎮在順天門外唐光啓三年秦宗權敗朱全忠於八角鎮卽此 七里店在開封城北二十里今圯于水漢隱帝末郭威至封邱漢使侯益屯赤岡慕容彥超

屯七里店拒之兩軍遇于柳子陂郭威進營于皋門村

小黃城在陳留東漢縣北齊省一名下黃今名小黃村 臨濟城在陳留西北故秦邑史記秦章邯圍魏

王咎于臨濟卽此 牛首城在陳留西南春秋鄭邑俗名車牛城 倉垣城在陳留西汴水上一名石倉

城管永嘉三年石勒畧魏郡至黎陽王堪退保倉垣五年荀晞請遷都倉垣不果洛陽陷奉豫章王置行

臺于倉垣尋自倉垣徙蒙城 莘城在陳留東北

外黃城在杞縣東北春秋左氏傳魯惠公季年敗宋師于黃卽此秦置外黃縣魏延和三年僞置徐州皇

興初州縣並省齊復置唐貞觀六年省左近有大齊城小齊城奏倉城科稟城皆汴水所經有黃溝今屬考城

高陽縣在杞縣西一名高陽聚高陽亭史記沛公兵過高陽卽此 圍城在杞縣南春秋鄭邑漢置圍縣

後魏改圍城縣北齊省今爲南圍鎮 成安城在杞縣東考城東北漢縣後漢省魏孝昌中復置爲北梁

郡治隋省今名利望亭 陽樂城在杞縣東北苻秦置 桃陵在杞縣東南唐至德初張巡破賊衆于白

沙渦還至桃陵敗賊援兵白沙渦在甯陵西

康陰城在尉氏東南隋末置唐貞觀省 向城在尉氏西南故長社東北春秋鄭邑又西爲蒗城與新鄭接界古蒗國

陵樹亭在尉氏東北一曰陵樹鄉漢建安中荀攸封陵樹侯卽此又東爲少曲亭一名少城水經注康溝東經扶溝之白亭又東經少亭是也

新汲城在洧川南春秋時曲洧漢神爵三年置新汲縣北齊省 匡城在洧川東北春秋文元年衛孔達

侵鄭綿訾及匡定六年公侵鄭取匡卽此

安陵城在鄆陵西北本鄭地後入魯史記齊宣公四十二年伐魯葛及安陵魏襄王弟安陵君封于此一

名安陵鄉陳留風俗傳尉氏安陵鄉故富平是也後漢志征匡侯國有安陵亭杜佑云在今鄆城東南七

十里
河南地略一
南清河王氏鑄版

扶樂城在扶溝東南本漢扶樂鄉隋開皇中置縣唐貞觀省今名大扶城又北有小扶城沙水經二城間東南流卽蔡河 雍氏城在扶溝西南本鄭雍梁入韓爲雍氏 桐邱亭在扶溝西鄭地

清池縣在中牟西唐初置縣屬管州貞觀省 官渡城在中牟東北卽中牟臺下臨汴水漢建安中曹操袁紹相持于官渡口卽此 萬勝鎮在中牟東圃田澤北一曰萬勝寨唐長慶二年韓充爲宣武軍使自

滑州入境軍于萬勝 曲遇聚在中牟西史記沛公破秦將楊熊于曲遇卽此

博浪城在武陽東南故浚儀西北一名博浪沙亭

卷縣在原武西北史記蘇秦說趙據魏取淇卷卽此漢置縣北齊省 垣雍城在原武西北春秋時鄭衝

雍入韓爲垣雍秦昭王四十八年韓獻垣雍是也 安城在原武東南故周地史記昭王十三年秦拔安

城兵至大梁是也明初置安城驛 黃池在封邱西南有黃亭國語吳掘深溝于商魯之間以會晉于黃

池卽此 中樂鎮在封邱南大河北岸元時運道中頓處明初徐達下汴駐軍中樂後率步騎入虎牢復

自中樂渡河下衛輝

東昏城在蘭陽東北春秋戶牖鄉秦屬陽武縣史記陳平陽武戶牖人後改置東昏縣曹魏省 濟陽城

在蘭陽東本宋地漢置縣漢書昌邑王初徵至濟陽求長鳴雞後漢紀光武生于濟陽宮卽此唐初省

賈魯河在蘭陽北二十里東入儀封經黃陵岡南至曹縣梁進口下通歸德丁家道口明宏治中劉大夏

浚賈魯舊河卽此 黃陵岡一名黃陵渡元末察罕使舟師出汴東畧曹南據黃陵渡是也梁進口一名梁靖口西距黃陵岡八十里

苑陵縣在新鄭東北本秦邑漢置縣隋開皇省 唐武德四年徙治尉氏西南古山氏城苑陵東有制城古制澤春秋成十六年諸侯之師次鄭西遷于制田是也

林鄉城在新鄭東本鄭棐林一名北林入魏爲林鄉國策信陵君曰自林鄉軍以至于今秦七攻魏是

也 華城在新鄭東南一曰華陽亭古華國史記赧王四十二年趙魏伐韓華陽卽此 脛山在新鄭南

目陘山西南達于襄鄧連山綿亙春秋時楚以爲塞春秋僖四年齊伐楚次于陘是也 大騭山在新鄭

西南與密縣接界一名具茨山東魏元象初侯景攻廣川敗魏援軍于大騭山卽此

長平城在陳州西西華東南本魏邑漢置縣北齊省今爲長平鄉 臨蔡城在陳州北隋開皇初析宛置

大業省 新平縣在陳州東北唐初置貞觀初省 犂城在陳州西北一名檉城春秋僖元年會於檉卽

此城北有谷水 百尺溝在陳州東本沙水下流上承潞陂東南注潁爲交口有百尺堰魏嘉平三年司

馬懿襲王淩自水道掩至百尺堰一名八丈溝宋熙寧二年陳世修經度陳潁州八丈溝故迹元祐四年

胡宗愈浚八丈溝分蔡河由潁壽入淮河成名新河 思陵戍在陳州西北二十里宋元嘉三年謝誨以

荊州叛魏王慧龍援之拔思陵戍進圍項城卽此 又西北爲固陵聚史記漢王追項羽于固陵卽此

潁水縣城在商水西隋開皇置唐貞元十五年韓全義討淮西自五樓敗保潁水遂走陳州卽此宋改商

水縣元末徙治南頓故城遂廢 又西爲和城縣東晉初置北齊省五樓在縣西南 汝陽城在商水西北漢置縣東晉兼置汝陽

郡北齊省郡隋省縣 博陽城在商水東北漢置縣王莽更名樂嘉東漢省 扶蘇縣在商水東南隋末

越王侗置唐初省 淩雲柵在商水西北鄆城東南唐元和申李光顏破淮西兵于淩雲柵又進拔石越

柵

秣陵縣今項城地東魏置縣爲北揚州治隋改項城省郡 互鄉城在項城北一名合鄉唐中和四年朱

瑄敗秦宗權于合鄉 項關在項城西北晉永嘉五年王彌自洛陽東屯項關是也今名南頓關

沈邱在沈邱縣南一名寢邱楚封孫叔敖子于寢邱史記秦始皇卅二年破楚軍于寢邱

許昌城在許州東故秦許縣魏黃初改許昌晉爲潁川郡治東魏天平初分置許昌郡北齊省郡後唐改

許田縣宋熙寧省爲許田鎮 灋彊縣在許州西南漢置晉省隋開皇中改置陶城縣大業復曰灋彊唐

許田縣宋熙寧省爲許田鎮 灋彊縣在許州西南漢置晉省隋開皇中改置陶城縣大業復曰灋彊唐

省 洧倉城在許州東卽洧水邸閣俗以洧水爲汶水一名汶倉漢建安末裴祖屯田許下此其倉城

濁澤在許州西水經注名皇陂水出胡城西北史記齊會諸侯于濁澤求爲諸侯卽此

胡城潁陰之狐人亭一曰狐宗鄉

繁昌城在臨潁西北本名繁陽亭漢延康元年曹魏築壇受禪改繁昌縣唐省宋爲繁城鎮 小澗水在

臨潁西南本潁水支流水經注潁水至臨潁小澗水注之又東經西華汝陽南頓大澗水從西來注之唐

貞元十五年諸道軍討淮西潰于小澗水卽此

大澗水在鄆城南

汜城在襄城南春秋鄭汜邑一名南汜周襄王居此亦名襄城 汾邱城在襄城東北春秋襄十七年楚

伐鄭治兵于汾國策楚北有汾涇之塞是也

涇山在新鄭

西不羹城在襄城東南春秋昭十一年楚大城陳

蔡不羹卽此 白草原在襄城東唐元和十三年裴度過白草原淮西以輕騎邀之卽此

司州城在鄆城西北宋元嘉中改汝南爲司州治此隋開皇十六年兼置道州治今縣西南五里別有道

州城 召陵在鄆城東楚邑漢置縣隋大業省 征羌城在鄆城東南後漢初置晉省 青陵城在鄆城

西南唐元和十二年李光顏度潞水圍青陵以絕鄆城歸路卽此 洄曲在鄆城東南水西南一名時曲

澧河自舞陽至縣東螺灣渡北合汝河回曲處唐元和中吳元濟使董重質以重兵守洄曲卽此 沱口

鎮在鄆城東南譌爲鮑口唐元和中裴度築連城于沱口董重質自五渚出兵邀截李光顏扼其潯中路

敗之

連城一作赫連城五渚在沱口南

長社城在長葛東漢縣晉置潁川郡治宋元嘉廿九年魯爽自汝南向許洛取

長社敗魏兵于大索卽此

大索在滎陽東南去小索城四里一云滎陽治卽大索城

潁陰城在禹州東南潁水北漢縣魏武定省并 黃臺縣在禹州東北魏興和元年分陽翟置隋大業省

今有黃臺岡 康城在禹州西北曹魏時康鄉後魏孝昌中置康城縣隋仁壽省今爲康里 三峯山在

禹州西南一曰三封嶺岫水出其下山西五里有黃榆店宋紹定四年金完顏合達等援汴至黃榆店阻

雨雪又前至三峯山爲蒙古所敗

密故城在密縣東南春秋新密漢置密縣晉永嘉中洛陽陷建行臺于密隋大業徙治法橋堡即今治

鄆城在密縣東北故鄆城

衍氏城在鄭州北國策魏北有卷衍史記曹參破衍氏還攻武彊是也武彊城在州東故市城在鄭州北漢縣

晉省

滎陽故城在今滎陽北滎澤西殷敷地春秋時名北制入韓曰滎陽隋末徙治大索城五代時徙今治

京城在滎陽東南漢二年與楚戰滎陽南京索間即此後置縣北齊省宅陽城在滎陽東一名北宅戰

國魏惠王五年與韓會于宅陽又芒卯入于北宅即此平桃城在滎陽東北一名平眺有號亭魏太和

十九年魏主自滑臺濟西還洛陽太子恂出迎于平桃城即此須水城在滎陽東唐初置縣貞觀省宋

名須水鎮京水在滎陽東源出嵩渚山經鄭州東北入鄭水水經注黃水出京縣之黃堆東南流俗名

京水一名祝龍泉後唐天成二年自滎陽至京水遂入大梁即此索水在滎陽南亦出嵩渚山北入京

水即春秋之旃然水唐同光二年詔朱勅浚索水通漕嵩渚在滎陽東南一名小陘山水經注以爲黃

堆山鴻溝在滎陽東南楚漢分界處尉氏有鴻溝鄉鴻溝亭唯陽東有鴻口亭蕭縣西有鴻溝亭

廣武山在河陰東北敖倉西一名三皇三室敖鄆東廣武一曰楚王城西廣武一曰漢王城史記秦昭王

四十二年攻韓汾陘拔之因城河上廣武漢四年漢王渡河復取成皋軍廣武就敖倉食敖倉在敖山上秦時置

牛口谿在河陰西北一作牛口渚唐武德中太宗與竇建德戰于虎牢建德敗走牛口渚即此石門渠

在河陰西滎陽山北一里滎濱受河處一曰滎口滎澤口有石門故稱滎口石門秦始皇二十六年斷故

渠引水灌大梁謂之梁溝漢建甯四年于敖城西北壘石爲門以遏浚儀渠口魏黃初中河濟泛溢開石

渠引水灌大梁謂之梁溝漢建甯四年于敖城西北壘石爲門以遏浚儀渠口魏黃初中河濟泛溢開石